


Dom kulture dobio sredstva za COBBIS

Autor Irma Alićajić

Subota, 03 Juli 2010 19:08 - Ažurirano Subota, 11 Septembar 2010 01:20



Fondacija za bibliotečku djelatnost je odlučila da u 2010.godini finansira projekat "Nabavke opreme za uključenje biblioteke u **COBBIS**" koji je JU "**Dom kulture**" **Cazin** aplicirao prema ovoj fondaciji. Riječ je projektu koji omogućuje jedinstvenu obradu knjižnog fonda kao i uključivanje u zajedničku bazu podataka u BiH i pregled baza podataka svih zemalja na Balkanu koje su se pridružile COBISS-u.

Program će omogućiti bibliotekama izradu kataloga, bibliografija, reviziju knjižnog fonda i pozajmicu knjižne građe. Također će pomoći bibliotekarima da daju odgovor čitaocima o određenoj publikaciji, broju primjeraka i mjestu na kome se može naći. COBISS također omogućava bibliotekarima da po dobivanju licence, kada će biti u mogućnosti kreirati vlastite zapise, preuzimaju zapise drugih biblioteka i tako ubrzaju obradu fonda i izradu kataloga.

Odlukom Upravnog odbora ove Fondacije, **Dom kulture Cazin** je dobio sredstva u iznosu od 3.700,00 KM, što je jedan od najvećih iznosa u ovoj godini koje Fondacija dodjeljuje javnim ustanovama po kriterijima ovog konkursa.

Važno je napomenuti da Dom kulture očekuje i rezultate javnih konkursa kantonalnog Ministarstva obrazovanja, nauke, kulture i sporta i Ministarstva civilnih poslova BiH. Na oba konkursa Dom kulture je aplicirao po 5 projekata koji se odnose na kulturne manifestacije, kulturno naslijeđe i samu instituciju Doma kulture.

O svim rezultatima navedenih konkursa javnost će biti blagovremeno obaviještena.